



## 驚人娶無某

歲月親像走馬燈，轉啊轉，一直轉袂停，嘛無法度轉倒反。人生實在有影真短，會記得逐家細漢猶要做伙，目一下矚歲頭隨幾若十歲。

無張持去反著一張黃黃的舊相片，內底有七个囡仔、兩個大人。有人是歹勢歹勢毋敢笑；有人是閉思閉思文文仔笑；有人是大範大範喺笑目笑，連手裡抱的彼兩個嘛笑甲誠古錐。不過，煞有一个查某囡仔喺唇翹翹、目矚吊吊，毋但雙手插脲閣咧共人睨。喔！彼是翕相仙的欲弄予逐家笑，干焦這個查某囡仔刁工咧佻翕相先的做對頭。

較早的人較重男輕女，阿母誠預顛，第一胎、第二胎攏生查某的。阿媽看著阿母第三胎閣生查某的，面腔隨掙落來，阿母煞綴紅嬰仔哭出聲。阿爸共第三查某囡的名號做蘭仔，阿媽講：「號蘭仔就閣會有梅仔、菊仔、櫻仔，定著閣會招小妹。」

阿媽真正講甲對對，阿母第四胎又閣生查某囡，阿媽就喝聲：「足矣，查某囡生到遮就足矣！」阿媽就共嬰仔號名叫足仔。阿媽閣叫阿母愛緊去廟裡換花，後胎才會生後生。彼真正是阿婆仔抹粉啦！因為阿母第五胎嘛是閣生查某的。阿媽講：「哪會閣生查某囡仔疔！查某囡仔滿矣啦！」阿媽就共嬰仔號名叫做滿仔。繼落去閣覘覘唸：「哪會按呢？啊，著啦！干焦換花無換肚，註生娘娘嘛毋知查埔囡仔欲送去佗一戶？」

外媽緊去買豬肚燻予阮阿母食，向望伊後胎會生查埔。阿母第六胎又閣生查某的，阿媽氣甲講：「見孵就母的！完矣，查某囡仔生到遮就完矣！」阿媽就共嬰仔號名叫完仔，閣講：「祕方都食透透，閣變甲一百輦迴，掠準這擺是蠔仔入牛角，穩篤篤！哪知一切又閣是白了工！」。

翻過冬，阿母又閣生第七个查某囡，第三个查某囡是秋天生的，厝後拄仔好有一欖蘭花開甲誠嬌，阿爸就共嬰仔號名做秋蘭。第七个嘛是秋天生的，阿爸看見兩隻鶯仔歇佇柳樹枝，鶯聲燕語唱歌詩，就共嬰仔號名叫秋鶯。

誠濟親情朋友攏笑阿母是查某肚，閣一冬生一个，嘛有人講阿爸阿母是做功德，驚人娶無某啦！

作者：足滿完

### ☆詞彙學習☆

【歲頭】huè-thâu/hè-thâu：歲數、年齡。指年齡的大小。

【文文仔笑】bûn-bûn-á-tshiò：微笑、淺笑。

【大範】tuā-pān：一個人的舉止十分大方、自然，不受拘束。

【睨】gîn：眼睛瞪著看，以此發洩怒氣或不滿。

【對頭】tuì-thâu：冤家。意見不合，立場相反的兩方。

【阿婆仔抹粉】A-pô-á buah-hún：無彩工。

【變甲一百輦迴】Pinn kah tsit-pah lián-thàng：是指各種方法都用盡，一百是形容方法之多也。